



COMUNU DE TEULADA

Provìntzia de Sud Sardegna

SETTORI SERVÌTZIUS A SA PERSONA, CULTURALI E TURISMU

Tel.070/9272042 – fax 070/9272023 – email assistenzasociale@comune.teulada.ca.it

UFÌTZIU PÙBBLICA ISTRUTZIONI

AVISU PÙBBLICO SERVÌTZIU DE TRASPORTU SCOLÀSTICU IN FAVORI DE IS ISTUDIANTIS DE IS SCOLAS STATALIS PIPIESA, PRIMÀRIA E SEGUNDÀRIA - ANNU SCOLÀSTICU 2022-2023

SU RESPONSÀBILI DE SU SERVÌTZIU

Bistu su calendàriu scolàsticu 2022/2023 acuisiu a su protocollu de s'Enti con n. de su ;

ARREGORDAUS is atus afatantis: -

Regulamentu comunali de su servìtziu de trasportu scolàsticu aprovau cun Deliberatzioni de su Consiliu Comunali n. 46 de su 05/11/2018;

- Determinatzioni n.919 de su 19.11.2021 de aggiudicatzioni de su servìtziu de trasportu scolàsticu de is istudiantis de is scolas de sa pipiesa, primària e segundària de primu gradu de s'Istitutu Cumprensivu "Taddeo Cossu" de Teulada;

- sa Deliberatzioni de sa Giunta Comunali n.139 de su 22.10.2021 po mèdiu de sa cali si protzedit a aprovai is tarifas de su servìtziu de trasportu scolàsticu po s'annu scolàsticu 2022/2023;

FAIT SCIRI

Ca de sa dii **01 DE AUSTU** funt **ABERTAS** is iscrizioni a su servìtziu de trasportu scolàsticu po s'A.S. 2022/2023

1) Recuisius de ammissioni

Podint fai rechesta is familiaris residentis e domitziliaus in su Comunu de Teulada cun minoris chi frequentant sa scolas de sa pipiesa, primària e segundària de primu gradu pendularis de s'annu scolàsticu chi benit 2022/2023. Cun s'incumentzu de s'annu scolàsticu nou no ant a essi amìtius a su servìtziu de trasportu totus is chi no ant a essi a règula cun is pagamentus de is retas de s'annu scolàsticu pretzedenti.

2) Tarifas a càrrigu de is familias

Is familias ant a depi presentai paris a s'istàntzia sa tzertificatzioni ISEE in cursu de validadadi a s'iscopu de podi aplicai is tarifas afatantis in sa basi de sa fàscia de appartenèntzia:

FÀSCIAS ISEE	PENDULARIS	LOCALIS
de 0 a € 4.880,00	€ 5,00	€ 10,00
de € 4.880,01 a € 9.760,00	€ 7,00	€ 12,0
de € 9.760,01 a € 14.650,00	€ 10,00	€ 14,00
de € 14.650,01 a € 18.000,00	€ 12,00	€ 16,00
De € 18.000,01	€ 15,00	€ 18,00
Non residentis	€ 20,00	€ 22,00

Su pagamentu de sa cuota de compartecipazioni corrisponenti a sa fascia de appartenèntzia est comunicau a is famílias via e-mail a pustis de s'atzetazioni de sa rechesta e a dònna manera a su momentu de s'aggiornamentu de sa dechrarazione ISEE.

In casu de inadempìentzia s'at a trasmiti un'avisu, po mèdiu de su cali s'interessau at a essi sollitzitau a regularizai sa positzioni sua.

1) Modalidadi de pagamentu

Po su pagamentu de su servìtziu est in vigèntzia su sistema PagoPA cun s'atestazioni de pagamentu at a essi mandada a s'istudianti po mèdiu de posta PEC, a sa mail indicada in s'istàntzia. Su PagoPa est relativu a is perìodus afatantis

- cabudanni/mesi de idas 2022 de versai a intrus de su 30/10/2022

- gennàrgiu – làmpadas 2023 de versai a intrus de su 30/01/2023.

De fronti de su Bulletinu PagoPA s'istudianti est obligau a fai su versamentu sigundu is tarifas stabilias de sa Giunta Comunali cun Deliberazioni n.139 de su 22.10.2021.

2) Agevolazioni chi spetant

Su costu at a essi torrau a determinai in casus afatantis:

- una ridusidura de su costu uguali a su 30% po su 2°filli, in casu de nùcleus familiaris cun duus fillus;

- una ridusidura de su costu uguali a su 50% per su 2° filli, in casu de nùcleus familiaris cun tres o prus fillus e s'esenzioni totali po s'ùrtimu nàsciu;

- s'esenzioni totali o parziali in presèntzia de situazioni de indigèntzia provada o disàgiu sotziali gravi fata chi siat una relatzioni de is Servìtzius Sotziali o po mèdiu de datus atzertabilis in a manera ogetiva de s'Ufitziu etotu

- s'esenzioni totali, aici a comentis est stabiliu de su regulamentu comunali po is istudianti in possessu de su tzertificau de invalididadi e/o handicap.

3) Modalidadi de presentazioni de sa dimanda

Sa dimanda depit arribai a su Comunu de Teulada redada sceti, pena s'esclusioni, in is mòdulus aprontaus apostadamenti e chi si podint scarrigai de su situ internet de su Comunu www.comune.teulada.ca.it in paris a su documentu de identidadi, documentazioni sanitària eventuali e Tzertificazioni ISEE e si depit trasmiti sigundu is modalidadis afatantis;

- po mèdiu de e-mail a s'indiritzu protocollo@comune.teulada.ca.it;

- po mèdiu PEC a s'indiritzu protocollo@pec.comune.teulada.ca.it .;

Is istàntzia depint arribai a su Comunu a intrus de su 02 DE CABUDANNI 2022. A pustis de sa data de scadèntzia, si podint ammiti sceti istàntzia chi pertocant casus de iscritzionis noas, trasferimentu de domitzilliu o residèntzia.

4) Responsàbili de su Protzedimentu

Sa Responsàbili de su Protzedimentu est sa responsàbili de su setori dot.a Valeria Todde

5) Pubblitidadi

Custu avisu at a essi publicau, in pari a su modellu de dimanda, in s'Albu Pretòriu de su Comunu de Teulada e in sa home page de su situ istituzionali.

6) Informativa a pitzus de su tratamentu de is datus personalia REG. UE N° 679/2016

Su “Titulari de su tratamentu” est su Comunu de **TEULADA**, cun sea in TEULADA, in sa via CAGLIARI n.59, C.A.P. 09019, C.F. 80013330925, P. IVA 00186930921, tel: 070/9270029, in sa persona de su Sìndigu in cualidadi de rapresentanti legali suu pro tempore. Si in casu s'interessau bolessit prus informatzioni chi pertocant is datus personalis cunferius, at a podi cuntati telefonicamenti su Titolare de su tratamentu, opuru mandai una racumandada A/R a s'indiritzu inditau in antis, opuru, in alternativa, mandai una comunicatzioni a is recàpitu afatantis:

- Email: assistenzasociale@comune.teulada.ca.it
- PEC: servsoc.teulada@legalmail.it

In su situ internet istituzionali de s'Enti si podint agatai àteras informatzionis chi pertocant is políticas adotadas de su Comunu in su tema de tratamentu e protetzioni de is datus personalis.

Responsàbili de sa protetzioni de is datu (RPD O DPO)

Su Responsàbili de sa Protetzioni de is Datus o “Data Protection Officer” (RPD o DPO) nomenau (po afungudai a pitzus de sa nòmina e còmputus castia is arts. 37-39 “GDPR”) si podit cuntatai a is recàpitu afatantis:

- Email : privacy@comune.it
- PEC: privacy@pec.comune.it

Is datus integralis de cuntatu de su RPD/DPO funt inditau in sa setzioni “Amministrazione trasparente” de su situ internet istituzionali de su Comunu de TEULADA.

Oggetu de su tratamentu e categorias de datus

Su Titulari tratat is datus personalis (comunus, particularis e giuditziàrius) presentis in is bancas datus comunalis, siat de paperi che informàticas, rilevaus de is bancas datus ufizialis, ministerialis e àterus entis, Autoridadis amministrativas indipendentis, Autoridadi giuditziària e/e Agentzias autorizadas a ndi disponni e a ddus tratai, fintzas chi furnius de is interessau etotu o de is rapresentantis legalis insoru, delegaus o incarrigaus a su momentu de sa presentatzioni de is istàntzias/dimandas insoru.

Finalidadi e basi giuridica de su tratamentu de is datus

Is tratamentus connètius a su protzedimentu in ogeti funt curaus sceti de su personali de su Comunu de Teulada nomenau e autorizau a su tratamentu.

Is datus personalas furnius funt trataus in otemperàntzia a is òbligis normativus chi derivant de is dispositzionis subranatzionalis e natzionalis detadas in matèria de pùbblica istrutzioni, fintzas in cunformidadi a is provedimentus amministrativus e, in generali, a is matèrias de cumpetèntzia de su Titulari de su tratamentu cun riferimentu a sa protzedura in argumentu.

Sa Responsàbili de su servitziu

Dott.a Valeria Todde